



Par la parabole du Semeur, Iesus fait distinction de ceux qui font leur devoir à faire profiter sa parole.

LE Sauveur Iesus-Christ voulant par tous moyens nous attirer à la vie perdurable, s'accommodant à nostre infirmité, vŕe d'une parabole entr'autres. Luy estant donc assis sur vne nacelle, & tout le peuple à terre pres la mer, où il enseignoit, disant ; Que la semence iettée en terre, (dont la quatrieme partie fructifie seulement, pour estre le reste perdu ou mangé des oyseaux) est la parole du Royaume de Dieu. Et ceux qui la reçoivent aupres du chemin, sont ceux à qui la parole est annoncée ; mais apres qu'ils l'ont ouye, incontinent Sathan vient, & leur oste du cœur. Ceux qui la reçoivent en lieux pierreux, sont ceux qui la reçoivent avec ioye : mais ils n'ont point de racine en eux-mesmes, tellement qu'aduenant oppression pour icelle, sont incontinent scandalisez. Et ceux qui reçoivent la semence de la parole entre les espines, sont ceux qui oyent la parole ; mais les sollicitudes de ce monde, la conuoitise des richesses, & des autres choses mandaines estouffent la parole, & deuient sterile. Mais voicy ceux qui ont receu la semence en bonne terre, à sçauoir ceux qui oyent la parole, la reçoivent, & porte fruit, & rend l'un trente fois autant, l'autre soixante, & l'autre cent. Et dist élevant sa voix, qui a des oreilles pour ouyr oye.

S. Matthieu Chap. 13. S. Marc Chap. 4. S. Luc Chap. 8.